



## ZAPISNIK O RADU 13. SJEDNICE KOLEGIJA GRADSKOG VIJEĆA GRADA SARAJEVA

održane 12.10.2017. godine

Broj: 01-02-1583/17

Datum: 12.10.2017. godine

Prisutni:

1. Dr. Igor Gavrić, Predsjedavajući Gradskog vijeća,
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Mr. Tea Dreković, predsjedavajuća Kluba gradskih vijećnika SBB
7. Vibor Handžić, predsjedavajući Kluba gradskih vijećnika Naše stranke
8. Mr. Sead Srna, predsjedavajući Kluba gradskih vijećnika "ASA"
9. Snežana Omukić, zamjenica predsjedavajuće Kluba gradskih vijećnika DF
10. Nuko Grebović, zamjenik predsjedavajućeg Kluba gradskih vijećnika GRADANSKI SAVEZ – SAVEZ ZA STARI GRAD
11. Bajro Biber, predsjedavajući Kluba gradskih vijećnika BOSS – USD
12. Srđan Srdić, predsjedavajući Kluba samostalnih gradskih vijećnika Srdić - Stojnić
13. Safet Krajišnik, sekretar Gradskog vijeća

Sjednici je prisustvovala, po ovlaštenju Gradonačelnika, Maja Hadžihalilović, savjetnik Gradonačelnika za pravna pitanja.

Sjednici je prisustvovala Mirjana Đanović Stanić, šef Odjeljenja za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Sjednica je započela jednoglasnim usvajanjem sljedećeg dnevnog reda:

1. Usvajanje Zapisnika o radu 12. sjednice Kolegija
2. Utvrđivanje Prijedloga Izmjena i dopuna Programa rada Gradskog vijeća Grada Sarajeva za 2017. godinu
3. Utvrđivanje Nacrta Programa rada Gradskog vijeća Grada Sarajeva za 2018. godinu
4. Priprema za održavanje Osme sjednice Gradskog vijeća Grada Sarajeva
5. Tekuća pitanja

### Ad 1)

Jednoglasno je usvojen Zapisnik o radu 12. sjednice Kolegija Gradskog vijeća.

### Ad 2)

Poslije uvodnog izlaganja i rasprave, te sažetka Predsjedavajućeg jednoglasno je usvojen sljedeći **zaključak**:

Utvrđuje se Prijedlog Izmjena i dopuna Programa rada Gradskog vijeća Grada Sarajeva za 2017. godinu i upućuje se Gradskom vijeću na razmatranje po skraćenom postupku (utvrđeni Prijedlog je u prilogu ovog zaključka).

### Ad 3)

Predsjedavajući Gradskog vijeća je dao uvodne napomene sljedećeg sadržaja.

Pripremljen je radni materijal koji je članovima Kolegija dostavljen uz poziv za sjednicu, kako bi se Nacrt Programa rada Gradskog vijeća za sljedeću godinu mogao razmatrati na Osmoj

sjednici Gradskog vijeća, a što je u skladu s Programom rada. Zahtjev za predlaganje tema za rad Gradskog vijeća u sljedećoj godini, u potrebnom roku, bio je upućen svim subjektima, u skladu s Poslovníkom Gradskog vijeća. U radni materijal uvrštene su teme koje znače određenu zakonsku, statutarnu ili obavezu koja proizilazi iz gradskih propisa. Uvrštene su svi prijedlozi iz inicijativa sa sjednica Gradskog vijeća, prijedlozi radnih tijela Gradskog vijeća i Gradonačelnika. Uvrštene su i određeni prijedlozi Općine Novi Grad Sarajevo i Općine Centar Sarajevo koje su se odazvale zahtjevu za predlaganje tema za Nacrt Programa rada, te Ministarstva pravde Kantona Sarajevo.

Odbor za društvene djelatnosti je predložio da se u Nacrt Programa uvrste sve teme koje su sadržane u Programu za tekuću godinu, a za koje je izvjesno da neće biti realizirane. U ovoj fazi pripreme programa, takav prijedlog nije mogao biti u cjelini obrađen, budući da Kolegij Gradskog vijeća još uvijek ne može imati punu informaciju o konačnoj realizaciji Programa rada Gradskog vijeća za tekuću godinu. U toku je i donošenje Politike Grada Sarajeva za mandatni period. Iz ovog radnog materijala, potrebno je izostaviti teme koje su uvrštene na inicijativu Općine Novi Grad Sarajevo, a koje se odnose na izmjene i dopune odluka o pristupanju izradi regulacionih planova za obuhvate RTV, Halilović I, te Alipašin Most I, V i VI, budući da se ove odluke, i to u formi prijedloga po skraćenom postupku, planiraju razmatrati već na Osmoj sjednici Gradskog vijeća.

Poslije rasprave i sažetka Predsjedavajućeg, Kolegij Gradskog vijeća usvojio je sljedeće **zaključke**:

1. Utvrđuje se Nacrt Programa rada Gradskog vijeća Grada Sarajeva za 2018. godinu i upućuje se Gradskom vijeću na razmatranje (utvrđeni Nacrt Programa je prilog ovog zaključka),
2. Utvrđuje se prijedlog Zaključka kojim bi Gradsko vijeće utvrđeni Nacrt uputilo u javnu raspravu (utvrđeni Prijedlog zaključka je prilog ovog zaključka),
3. Zadužuje se Gradska služba za Gradsko vijeće da izradi tekst Nacrta tako što će u tekst razmatranog materijala uvrstiti rješenja prihvaćena na današnjoj sjednici Kolegija, a vezano za razmatranje odluka o izmjenama i dopunama odluka o pristupanju izradi regulacionih planova koje se planiraju razmatrati već na Osmoj sjednici Gradskog vijeća.

#### **Ad 4)**

Predsjedavajući je u uvodnim napomenama pobrojao materijale koji su dostavljeni za razmatranje na Osmoj sjednici Gradskog vijeća, i to:

1. Prijedlog Odluke o razrješenju člana radnog tijela Gradskog vijeća (Adem Olovčić)
2. Prijedlog Odluke o razrješenju člana radnog tijela Gradskog vijeća (Denis Stojnić)
3. Prijedlog Odluke o imenovanju člana radnog tijela Gradskog vijeća (Srđan Srdić)
4. Prijedlog Odluke o imenovanju člana radnog tijela Gradskog vijeća (Omer Jakupović)
5. Prijedlog Odluke o imenovanju pravobranioca Pravobranilaštva Grada Sarajeva
6. Prijedlog Odluke o razrješenju pravobranioca Pravobranilaštva Grada Sarajeva zbog isteka mandata
7. Prijedlog Izmjena i dopuna Programa rada Gradskog vijeća Grada Sarajeva za 2017. godinu
8. Nacrt Programa rada Gradskog vijeća Grada Sarajeva za 2018. godinu
9. Nacrt Budžeta Grada Sarajeva za 2018. godinu
10. Nacrt Odluke o izvršavanju Budžeta Grada Sarajeva za 2018. godinu
11. Izvještaj o poslovanju JP Sarajevo d.o.o. za period 01.01.-30.06.2017. godine
12. Plan poslovanja JP Sarajevo d.o.o. do 31. 12. 2017. godine
13. Izvještaj o primjeni Odluke o upotrebi grba, imena i isticanju zastave Grada Sarajeva
14. Periodični Izvještaj o aktivnostima Grada Sarajeva u oblasti međunarodne saradnje
15. Informacija o pripremljenosti KJKP i drugih službi za zimski period
16. Informacija o realizaciji aktivnosti na unapređenju kvaliteta života stanovnika Grada Sarajeva u trećoj životnoj dobi sa prijedlogom mjera

17. Informacija o saradnji i odnosima organa Grada Sarajeva sa vjerskim zajednicama i crkvama

\*\*\*

Poslije rasprave i sažetka Predsjedavajućeg konstatirano je, odnosno zaključeno sljedeće:

- U toku današnjeg dana, po informaciji Gradonačelnika, Gradskom vijeću će biti upućeni i:
- Prijedlog Odluke o izmjenama i dopunama Odluke o pristupanju izradi Regulacionog plana „RTV“
- Prijedlog Odluke o izmjenama i dopunama Odluke o pristupanju izradi Regulacionog plana „Halilovići I“
- Prijedlog Odluke o izmjenama i dopunama Odluke o pristupanju izradi Regulacionog plana „Alipašin Most I“
- Prijedlog Odluke o izmjenama i dopunama Odluke o pristupanju izradi Regulacionog plana „Alipašin Most V“
- Prijedlog Odluke o izmjenama i dopunama Odluke o pristupanju izradi Regulacionog plana „Alipašin Most VI“
- Nacrt Politike Grada Sarajeva za mandatni period

\*\*\*

Predsjedavajući Gradskog vijeća će formalno predložiti

- Odluku o imenovanju Organizacionog odbora za pripremu i realizaciju Programa obilježavanja Dana Grada Sarajeva u 2018. godini

i to tako da članovi Organizacionog odbora budu svi članovi Kolegija Gradskog vijeća, te Gradonačelnik i njegovi zamjenici.

\*\*\*

Radna tijela Gradskog vijeća će u pripremi Osme sjednice Gradskog vijeća razmatrati i Prednacrt Zakona o lokalnoj samoupravi u Kantonu Sarajevo, te će se u prijedlog dnevnog reda uvrstiti i

- Prijedlog Mišljenja Grada Sarajeva u povodu razmatranja Prednacrta Zakona o lokalnoj samoupravi u Kantonu Sarajevo,

koji će Kolegij Gradskog vijeća utvrditi u skladu sa mišljenjima koja po ovom pitanju daju radna tijela Gradskog vijeća i Gradonačelnik.

\*\*\*

Radna tijela Gradskog vijeća, u pripremi Osme sjednice Gradskog vijeća, razmatrat će Zahtjev Kantona Sarajeva za predlaganje tema za rad Skupštine Kantona Sarajevo za 2018. godinu, te će se u prijedlog dnevnog reda uvrstiti i

- Prijedlog tema za Program rada Skupštine Kantona Sarajevo za 2018. godinu

koji će Kolegij Gradskog vijeća utvrditi u skladu sa mišljenjima koja po ovom pitanju daju radna tijela Gradskog vijeća i Gradonačelnik.

\*\*\*

Pozivi za sjednice radnih tijela Gradskog vijeća, članovima radnih tijela i Gradonačelniku, bit će upućeni elektronskim putem, odnosno, pozvanima će se osigurati pristup pozivu i materijalima za sjednice radnih tijela, kako bi se mogli pripremiti za sjednice.

Budući da Mala sala Gradskog vijeća još nije opremljena pokretnim računarima, za sada će članovima radnih tijela materijal na papiru biti ustupljen na korištenje, tokom sjednica radnih tijela.

**Ad 5)**

Po ovoj tački dnevnog reda nije bilo zaključaka.

*SEKRETAR GRADSKOG VIJEĆA*  
*Safet Krajišnik, s.r.*

*PREDSJEDAVALJUĆI GRADSKOG VIJEĆA*  
*Dr. Igor Gavrić, s.r.*